

Uputstvo autorima:

Časopis " *BH EKONOMSKI FORUM* " Ekonomskog fakulteta Univerziteta u Zenici objavljuje naučne i stručne radove iz oblasti ekonomije. Radovi se mogu slati poštom na adresu: Univerzitet u Zenici, Ekonomski fakultet, ul. Travnička br. 3, 72000 Zenica, sa naznakom za " *BH EKONOMSKI FORUM* " (n/r Dženan Kulović); ili elektronskim putem na adresu: *bh_ekonomski_forum@ef.unze.ba* ili *dzenan.kulovic@gmail.com* Pristigli radovi se ne vraćaju.

Radovi se mogu svrstati kao:

- *izvorni naučni rad (original scientific paper)* - sadrži neobjavljene i nove rezultate originalnih istraživanja u potpunom obliku. Rad se karakterizira kao izvoran onda kada daje značajan doprinos određenoj naučnoj problematici ili njenom razumijevanju i kada opisuje nove rezultate istraživanja iz neke oblasti; napisan je tako da bilo koji stručnjak iz datog područja na osnovu navedenih informacija može ponoviti eksperiment i postići opisane rezultate s jednakom tačnošću ili unutar granica pogreške koje navodi autor ili može ponoviti autorova zapažanja, proračune ili teoretske izvode;
- *prethodno saopćenje (preliminary note)* - sadrži nove, još neobjavljene rezultate originalnih istraživanja, ali u preliminarnom obliku, ovaj oblik članka podrazumijeva objavljivanje novih naučnih rezultata, ali bez dovoljno pojedinosti koje bi omogućile čitatelju provjeru iznesenih podataka kao što je slučaj u izvornom naučnom radu;
- *pregledni naučni rad (review article)* - sadrži originalan, sažet i kritički prikaz jednog područja teorije ili praktičnih istraživanja, u kojem autor i sam aktivno kritički sudjeluje, a u kojem mora biti naglašena uloga autorovog originalnog doprinosa tom području u odnosu na već objavljene radove, kao i pregled tih radova. Pregledni rad sadrži cjelovit prikaz stanja određenog područja teorije ili njene primjene, autor iznosi vlastiti kritički osvrt i ocjenu, te obavezno navodi podatke o svim objavljenim radovima koje je koristio kao polazište za svoj rad;
- *stručni članak (professional paper)* - stručni članak koji sadrži korisne priloge iz određene struke i za određenu struku, ali ne predstavlja originalna istraživanja;
- recenzije (critique), prikazi (review) i izvještaji (report) - ostali nekategorizirani radovi objavljuju se u posebnom, za to predviđenom, dijelu časopisa.

Svi radovi podliježu recenziji anonimnog recenzenta. Samo radovi sa afirmativnim recenzijama će biti objavljeni u časopisu. Nakon obavljene recenzije najkasnije u roku od 60 dana autori će biti obaviješteni o statusu poslanog rada. Radovi prihvaćeni od strane uredništva Časopisa obavezuju autore da iste ne objavljuju u drugim naučno-stručnim publikacijama.

U slučaju odstupanja od ovog uputstva uredništvo zadržava pravo uređivanja i prilagođavanja teksta standardima b/h/s jezika.

Prilikom slanja radova potrebno je posebno obratiti pažnju na slijedeće tehničke pojedinosti:

- a) Rad se dostavlja u elektronskoj formi kao Word dokument [Times New Roman (TNR), 12] sa dvostrukim proredom, ne veći od 20 stranica, numerisan.
- b) Na prvoj stranici u gornjem lijevom uglu se navodi ime i prezime autora (naučno ili stručno zvanje), a naziv ustanove u kojoj je zaposlen, adresa ustanove ili privatna adresa se stavljaju u fusnotu.
- c) Naslov rada se piše u formatu TNR 14, bold, centrirano.
- d) Sažetak rada dužine do 250 riječi, ključne riječi (tri do pet) i JEL klasifikacijsku oznaku. Sažetak sadrži opći prikaz teme, predmet i problem istraživanja, metodologiju rada, naznaku rezultata i zaključaka.

- e) Tabele, grafikoni i jednačine sadrže naslov i brojnu oznaku redosljedom kojim se navode. Legenda i izvor podataka te napomena autora se navode ispod tabela i grafikona u kurzivu (TNR 11).
- f) Podnaslovi rada se označavaju rednim brojevima i pišu boldiranim slovima.
- 1. Prvi podnaslov**
 - 2. Drugi podnaslov**
 - 2.1. Prvi odjeljak drugog podnaslova**
- g) Dodatna pojašnjenja navode se u fusnotama čija numeracija počinje svakom novom stranicom.
- h) Citiranje se daje u tekstu rada (ne u bilješkama), označava se navodnim znacima, pri čemu citati sadrže u zagradama prezime autora, godinu izdanja i broj stranice, dok se u slučaju parafraziranja broj stranice izostavlja.
- i) Sažetak na engleskom jeziku (summary) dolazi nakon zaključka a prije navođenja literature.
- j) Literatura se postavlja na kraj rada, uređena prema Harvard sistemu referenciranja za razne jedinice, kao na primjer:

- za knjige:

Zečić, Dž., Huskanović, A., i Alajbegović, H., 2009. *Matematika za ekonomiste*. Zenica: Meligraf.

- za radove u časopisima:

Mešić, I., 2006. Osnove strategije razvoja trgovine u Bosni i Hercegovini. *Pregled, časopis za društvena pitanja*. 86 (3), str. 113-63.

- za elektronske izvore:

North, D.C., 2003. The Role of Institutions in Economic Development. *Discussion Paper Series*, [online]. No. 2003.2. United Nations Economic Commission for Europe, Geneva, Switzerland. Dostupno na: http://www.unece.org/oes/disc_papers/ [pristup 19. septembar 2008]

- za službene dokumente u elektronskoj verziji:

Centralna banka Bosne i Hercegovine, 2009. *Godišnji izvještaj*, [online]. Dostupno na: www.cbbh.ba [pristup 27.07.2009.]

dr. sc. Jasmin Halebić
glavni i odgovorni urednik